

史料旬刊

第二十五期

故宮博物院文獻館出版物廣告

文獻叢編

本館前刊掌故叢編出至第十冊現自第十一冊起更名文獻叢編體例改善材料加多售價照舊(每冊五角)第七輯業已出版

讀書堂西征隨筆

(清汪景祺著)

定價

粉紙每冊六角
毛邊紙每冊五角

影印交泰殿寶譜

每冊一元

故宮拓鈐寶譜

每冊三元

影印籌辦夷務始末

本院影印道咸同三朝夷務始末現道咸兩朝均已完全出版同治朝已在印刷中道光朝全書四十冊售價二十四元咸豐朝全書四十冊售價

二十四元同治朝全書五十冊售價三十元三朝全書售價共七十八元道咸兩朝存書無多購請從速

史料旬刊第二十五期目錄

修建寧壽宮工程案 原件藏三所

(一) 福隆安等摺

(二) 劉英 金輝 浩廉 摺

(三) 劉英 金輝 浩廉 摺二

準噶爾夷人貿易案 原件藏三所

(一) 李繩武摺

(二) 李繩武摺二

阿里衮 明德 奏緬賊差人投書探信遮放土司多萬福並不報明聽候辦理除將多

萬福嚴行監禁已委潞江土司線維坤協理遮放土司印務摺 原件藏三所

高樸私鬻玉石案 原件藏三所

(一) 基厚摺

(二) 巴延三摺十一

(三) 勒爾謹 畢沅 摺六

(四) 勒爾謹 沅摺七

(五) 楊魁摺九

(六) 勒爾謹 沅摺八

(七) 西寧摺二

(八) 周元理摺三

(九) 畢沅摺七

(十) 畢沅摺八

(十一) 勒爾謹 摺九

兩廣總督李侍堯奏審擬續獲高明縣民黎奇珍娶逃婦林亞妹爲妻商同陳

嘉拔等謀殺謝幹儒一案案犯摺 原件藏三所

道光朝外洋通商案 原件藏三所

(一) 盧坤摺

(二) 哈豐阿等摺

(三) 盧坤墳 摺

(四) 盧 坤片

(五) 盧 坤等片

(六) 彭 年摺

(七) 彭 年片

(八) 盧 坤片二

(九) 賽尙阿摺


彙核嘉慶十七年各直省錢糧出入清單 原件藏三所 (三續)

地丁項下

(一) 陝西省

(二) 甘肅省

(三) 四川省




修建寧壽宮工程案

按第五期所載福隆安等奏估修寧壽宮摺與此同屬一案可以
福隆安等摺

臣福隆安三和英廉四格謹奏爲奏請銀兩事臣等遵旨修理寧壽宮
有今歲拆修後面殿座並院內堆做山石以及拆砌北面大牆等工現在抵對
舊料詳細估計一時難得確數業經奏請先向廣儲司支領銀五萬兩在案今
於興工後續奉諭旨拆換瀛臺週圍太湖石補堆青山石泊岸所需各項匠夫
工價並辦買一切物料在在均須給發理合奏請再向廣儲司支領銀五萬兩
以便應用統俟估計得有確數再行分晰具奏仍將此項銀兩如數扣除爲此
謹奏乾隆三十六年正月二十九日奉旨知道了

劉浩奏摺

奴才英廉劉浩金輝謹奏爲約估銅斤工料銀兩具奏事遵旨成造新建皇極
殿安設銅龜鶴各一對鼎爐二對並頤和軒改造銅鹿一對又收拾見新鼎爐



二對隨交鑄爐處官員敬謹辦造經金輝陸續撥得蠟樣及收拾見新鼎爐二對上安設重簷樓子因坯片甚薄難以銼刮等情具奏奉旨重簷樓子准其毀造餘照蠟樣准造欽此欽遵奴才等按例詳加估計鑄造鼎爐二對共約用黃銅三千九百三十五斤收摺攢焊重簷樓子四座約用紅銅條六百二十七斤七兩工價物料銀五百五十五兩八錢三分五厘銅龜一對約用黃銅三千九百七十六斤六兩工價物料銀七百五十五兩九錢九分一厘銅鶴一對約用黃銅二千一百八十四斤工價物料銀四百十二兩一錢六分一厘銅鹿一對約用黃銅一千三百三十五斤工價物料銀三百六十五兩八錢八分五厘收拾見新鼎爐二對配造紅銅臺撒樓子四座約用紅銅條六百二十七斤七兩工價物料銀二百二十九兩八錢七厘以上鑄造鼎爐二對龜鶴鹿各一對收拾見新鼎爐二對共約用黃銅一萬一千四百三十斤六兩紅銅條一千二百五十四斤十四兩工價物料銀二千三百十九兩六錢七分九厘除用交來毀銅鹿一對鼎爐樓子四座共重五百七十七斤外其不敷銅斤即在鑄爐處所毀鐘鼎銅內動用所需紅銅條請向廣儲司磁器庫領用工料銀兩在廣儲司銀

庫動用至煤炭鐵絲西紙轉交各該處行取應用統俟工竣之時奴才等另行
詳細查核據實報銷謹將約用銅斤工料銀兩細數敬繕清單一併恭呈御覽
爲此謹奏乾隆三十八年四月十七日交奏事總管太監柱元轉奏奉旨知道
了欽此

成造皇極殿安設銅鼎爐四座各通高四尺九寸五分內收攬攢焊重簷紅銅
樓子四座共重六百二十七斤七兩鑄造黃銅鼎爐四座共重三千九百三十
五斤

按例約用外僱

撥蠟匠二百六工五分 鑄匠三百六十六工 鑿匠七百三十二工五分
銼刮匠九百二十八工五分 磨匠一百六工五分 大器匠一百六十三工
合對匠一百五十六工五分 收攬匠七工 攢焊匠十工 掏銼匠一百
三工五分

以上共用撥蠟鑄鑿銼刮等匠二千七百八十工

每工銀一錢五分四釐

計銀四百二

十八兩一錢二分

壯夫二百二十九名每名銀八分 計銀十八兩三錢二分 化銅工銀三兩九錢八

分六釐 打銅工銀三十兩四錢七分一釐 焊藥銀二兩四分一釐

按例約用買辦

黃蠟一百六十五斤四兩每斤銀二錢四分 計銀三十九兩六錢六分 松香一百十

斤每斤銀三分 計銀三兩三錢 燈油二十七斤八兩每斤銀五分 計銀一兩三錢七分

五釐 三寸鐵釘二十五斤八兩每斤銀三分 計銀七錢六分五釐 漿麻六十八

斤十三兩每斤銀二分 計銀一兩五錢一分三釐 秫稽一百六十五個每個銀三分

計銀四兩九錢五分 土坯四千五百五十四塊每百塊銀七分 計銀三兩一錢八分

化銅罐一百三十七個每個銀一錢 計銀十三兩七錢 糞土四十一筐每筐銀三分

計銀一兩二錢三分 立黃土三百二筐每筐銀一分 計銀三兩二分 磨炭三斤

五兩每斤銀五分 計銀一錢六分五釐 磨石六斤十兩每斤銀六釐 計銀三分九釐

共用買辦銀七十二兩八錢九分七釐

通共約用工價買辦物料焊藥銀五百五十五兩八錢三分五釐

行取

紅銅條六百二十七斤七兩 西紙八百八十一張 鐵絲七十二斤四兩

黑炭一千三十二斤 渣煤七千五百七十四斤

鑄爐處

黃銅三千九百三十五斤

燒古銅龜一對各通高二尺六寸共約重黃銅三千九百七十六斤六兩

按例約用外僱

撥蠟匠二百八工五分 鑄匠三百七十工 鑿匠七百四十工 鑿花匠一
千九百五十二工五分 銼刮匠七百四十工 磨匠一百十六工 燒古匠
六十六工

以上共用撥蠟鑄鑿等匠四千一百九十三工每工銀一錢五分四釐 計銀六百四十

五兩七錢二分二釐

壯夫二百三十一名每名銀八分 計銀十八兩四錢八分

按例約用買辦

黃蠟一百六十七斤每斤銀二錢四分 計銀四十兩八分 松香一百一十一斤每斤銀三分

計銀三兩三錢三分 燈油二十七斤十三兩每斤銀五分 計銀一兩三錢九分

三寸鐵釘二十七斤十三兩每斤銀三分 計銀八錢三分四釐 秫楷一百六十七

個每個銀三分 計銀五兩一分 化銅罐一百三十九個每個銀一錢 計銀十三兩九錢

榮麻六十九斤九兩每斤銀二分二釐 計銀一兩五錢三分 土坯四千五百九十

二塊每百塊銀七分 計銀三兩二錢一分四釐 糞土四十二筐每筐銀三分 計銀一兩二

錢六分 立黃土三百二筐每筐銀一分 計銀三兩二分 磨炭三斤九兩每斤銀五分

計銀一錢七分八釐 磨石七斤三兩每斤銀六釐 計銀四分三釐 西綠四斤十

五兩每斤銀五錢 計銀二兩四錢六分八釐 胆礬四斤十五兩每斤銀六錢 計銀二兩

九錢六分二釐 礪砂四斤十五兩每斤銀二兩四錢 計銀十一兩八錢五分

共用買辦銀九十一兩七錢八分九釐

通共約用工價買辦物料銀七百五十五兩九錢九分一釐

行取

西紙八百九十張 鐵絲七十三斤 黑炭一千四十三斤 渣煤七千六百

五十四斤

鑄爐處

黃銅三千九百七十六斤六兩

燒古銅鶴一對各通高五尺六寸五分共約重黃銅二千一百八十四斤

按例約用外僱

撥蠟匠一百十四工五分 鑄匠二百三工 鑿匠四百六工五分 鑿花匠

一千四十一工 銼刮匠四百六工五分 磨匠七十工 燒古匠三十九工

以上共用撥蠟鑿鑿等匠二千二百八十工五分每工銀一錢五分四釐 計銀三百五

十一兩一錢九分七釐

壯夫一百二十七名每名銀八分 計銀十兩一錢六分

按例約用買辦

黃蠟九十一斤十一兩每斤銀二錢四分 計銀二十二兩五釐 松香六十一斤二兩

每斤銀三分 計銀一兩八錢三分三釐 燈油十五斤四兩每斤銀五分 計銀七錢六分

二釐 三寸鐵釘十五斤四兩每斤銀三分 計銀四錢五分七釐 秫稽九十二個

每斤銀 計銀二兩七錢六分 化銅罐七十六個每斤銀一錢 計銀七兩六錢 藥

蘇三十八斤三兩每斤銀二分二釐 計銀八錢四分 土坯二千五百二十三塊每百

塊銀 計銀一兩七錢六分六釐 糞土二十三筐每筐銀三分 計銀六錢九分 立

黃土一百六十八筐每筐銀一分 計銀一兩六錢八分 磨炭二斤二兩每斤銀五分 計

銀一錢六釐 磨石四斤五兩每斤銀六釐 計銀六分五釐 西綠二斤十五兩每斤

錢 計銀一兩五錢六分八釐 胆礬二斤十五兩每斤銀六錢 計銀一兩七錢六

分二釐 礪砂二斤十五兩每斤銀二兩四錢 計銀七兩五分

共用買辦銀五十兩八錢四釐

通共約用工價買辦物料銀四百十二兩一錢六分一釐

行取

西紙四百八十九張 鐵絲四十斤二兩 黑炭五百七十三斤 渣煤四千

二百五十斤

鑄爐處

黃銅二千一百八十四斤

頤和軒安設燒古銅鹿一對各通高五尺五寸共約重黃銅一千三百三十五斤

按例約用外僱

撥蠟匠一百工 鑄匠一百七十七工五分 鑿匠三百五十五工 鑿花匠
八百五十二工 鏗刮匠三百五十五工 磨匠七十九工五分 燒古匠六
十二工五分

以上共用撥蠟鑄鑿等匠一千九百八十一工五分每工銀一錢五分四釐 計銀三百

五兩一錢五分一釐

壯夫一百一十名每名銀八分 計銀八兩八錢八分

按例約用買辦

黃蠟八十斤每斤銀二錢四分 計銀十九兩二錢 松香五十三斤六兩每斤銀三分 計銀

一兩六錢一釐 燈油十三斤五兩每斤銀五分 計銀六錢六分五釐 三寸鐵釘

十三斤五兩每斤銀三分 計銀三錢九分九釐 秫楷八十個每個銀三分 計銀二兩四

錢 化銅罐六十七個每個銀一錢 計銀六兩七錢 雞麻三十三斤六兩每斤銀二分二釐

釐 計銀七錢三分四釐 土坯二千二百塊 每百塊七分 計銀一兩五錢四分 糞

土二十筐 每筐銀三分 計銀六錢 立黃土一百四十六筐 每筐銀一分 計銀一兩四錢

六分 磨炭二斤七兩 每斤銀五分 計銀一錢二分一釐 磨石四斤十五兩 每斤銀六分

釐 計銀二分九釐 西綠四斤十一兩 每斤銀五錢 計銀二兩三錢四分三釐 胆

礬四斤十一兩 每斤銀六錢 計銀二兩八錢一分二厘 礮砂四斤十一兩 每斤銀二兩四

錢 計銀十一兩二錢五分

共用買辦銀五十一兩八錢五分四釐

通共約用工價買辦物料銀三百六十五兩八錢八分五釐

行取

西紙四百二十七張 鐵絲三十五斤 黑炭五百斤 渣煤三千六百七十

斤

鑄爐處

黃銅一千三百三十五斤

收拾見新

銅鼎爐二對配造紅銅臺撒樓子四座各通高四尺九寸內週身磨光出亮並收樓攢焊重簷紅銅樓子四座共重六百二十七斤七兩

按例約用外僱

大器匠一百六十三工 合對匠一百五十六工五分 銼刮匠一百九十六工 收樓匠七工 攢焊匠十工 掏銼匠一百三工五分 磨匠一百六工五分 燒古匠一百八十五工

以上共用大器合對銼刮等匠九百二十七工五分每工銀一錢五分四釐 計銀一百四十二兩八錢三分五釐

化銅工銀三兩九錢八分六釐 打銅工銀三十兩四錢七分一釐 焊藥銀二兩四分九釐

按例約用買辦

化銅罐十七個每個銀一錢 計銀一兩七錢 磨炭三斤五兩每斤銀五分 計銀一兩六

分五厘 磨石六斤十兩每斤銀六厘 計銀三分九厘 西綠十三斤十四兩每斤銀五

錢 計銀六兩九錢三分七厘 胆礬十三斤十四兩每斤銀六錢 計銀八兩三錢二

分五厘 礶砂十三斤十四兩每斤銀二兩四錢 計銀三十三兩三錢

共用買辦銀五十兩四錢六分六厘

通共約用工價買辦物料焊藥銀二百二十九兩八錢七厘

行取

紅銅條六百二十七斤七兩 鐵絲十九斤九兩 黑炭一百八十斤 渣煤

一千五百八十斤

以上成造銅鼎爐龜鶴鹿及收拾見新鼎爐配造紅銅臺撒樓子等共約用黃

銅一萬一千四百三十斤六兩

工價物料銀二千三百十九兩六錢七分九厘

行取

紅銅條一千二百五十四斤十四兩 西紙二千六百八十七張 鐵絲二百

三十九斤十五兩 黑炭三千三百二十八斤 渣煤二萬四千六百八十三

斤

奴才英廉劉浩金輝謹奏爲約估銅斤工料銀兩具奏事遵旨成造寧壽宮添設銅缸二十四口奴才等即交鑄爐處官員按現辦銅缸奏明鏗刮磨匠節省二成半之例一體詳加估計口徑五尺銅缸四口每口約重五千六百八十二斤十三兩口徑四尺銅缸二十口每口約重三千六百三十斤二共約用銅九萬五千三百三十一斤買辦物料及匠夫工價約用銀七千四百四十六兩七厘再遵旨查來廢銅鐘鼎二十九件原約重三萬八千三百餘斤業經奏明交鑄爐處毀用在案續經奏明圓明園新建廟熱河羅漢堂二處領用銅鐘二件外所餘鐘鼎二十七件隨派內務府郎中成德會同運送鐘鼎之官員及鑄爐處官員三面眼同秤兌共重三萬一千四百七十斤二兩內銅鐘鈕上拆下鐵料重四百三十六斤八兩銅質重三萬一千三十三斤十兩查鑄造龜鶴鹿鼎四項約用銅一萬一千四百三十斤六兩內除毀銅鼎樓二對鹿一對重五百七十斤外仍用銅一萬八百六十斤六兩前經奏准在交來毀銅鐘鼎內動用仍存鐘鼎銅二萬一百七十三斤四兩現鑄造銅缸二十四口除用毀鐘鼎銅

斤外仍需黃銅七萬五千一百五十七斤十二兩查造過銅缸俱係按五五對化鑄造係由廣儲司轉行戶部寶泉局領取應用今此次所造銅缸二十四口請照前例行文廣儲司轉行戶部寶泉局領取紅銅三萬七千五百七十八斤十四兩倭元三萬七千五百七十八斤十四兩其工料銀兩仍在廣儲司銀庫領用至渣煤黑炭鐵絲轉交各該處行取應用再鐘頂上拆下鐵四百三十六斤八兩請交造辦處收貯以備別項鐵料活計應用伏候命下之日奴才等率同該員敬謹辦造統俟工竣之日再行詳細查核報銷謹將約用銅斤工料銀兩敬繕清單一併恭呈御覽爲此謹奏乾隆三十八年五月初四日交總管太監桂元等轉奏本日奉旨知道了欽此

成造寧壽宮安設銅缸二十四口內

口徑五尺銅缸四口每口約重五千六百八十二斤十三兩四口計重二萬二千七百三十一斤

口徑四尺銅缸二十口每口約重三千六百三十斤二十口計重七萬二千六百斤

共約用銅九萬五千三百三十一斤

按例約用外僱

揚銅匠一千三十八工 番沙做模子匠五千一百九十二工 倒火匠六百

九十二工 卸罩去皮縫匠三百四十六工 鑿粗匠四千四百九十九工

鑿細匠八千九百九十九工 粗銼匠四千一百五十三工 細銼匠九千六

百九十四工 磨匠五百七十二工 出亮匠七十一工 嵌補匠四千八百

工

除按例銼刮磨匠節省二成半外淨用鑄鑿等匠四萬五十六工 每工銀錢五分四厘

計銀六千一百六十八兩六錢二分四厘

壯夫五千五百六十一名 每名銀八分 計銀四百四十四兩八錢八分

按例約用買辦

化銅罐三千三百三十六個 每個銀錢 計銀三百三十三兩六錢 立黃土二千

一筐 每筐銀一分 計銀二十兩一分 糞土六百六十七筐 每筐銀三分 計銀二十兩一

分 土坯十萬八千七百七十塊 每百塊銀七分 計銀七十六兩一錢三分九厘 糞

蔬一千六百二十六斤 每斤銀二分厘 計銀三十五兩七錢七分二厘 秫稽四千

三個每個銀三分計銀一百二十兩九分 磨炭二十七斤五兩每斤銀五分計銀一兩

三錢六分五厘 磨石一百七斤二兩每斤銀六厘計銀六錢四分二厘 西綠六

十四斤四兩每斤銀五錢計銀三十二兩一錢二分五厘 胆礬六十四斤四兩每斤銀二兩四錢計銀一百五

錢六 計銀三十八兩五錢五分 礶砂六十四斤四兩每斤銀二兩四錢計銀一百五

十四兩二錢

共用買辦銀八百三十二兩五錢三厘

通共約用工價買辦物料銀七千四百四十六兩七厘

行取

鐵絲八百四斤 黑炭二萬五千二十斤 渣煤十八萬三千五百斤

準噶爾夷人貿易案

李繩武摺

安西提督臣李繩武謹奏爲奏聞貿易夷人到境事乾隆十三年四月十一日准駐防哈密鎮臣王能愛咨稱四月初二至初八等日續據駐劄三堡遊擊董茂林稟據烏克爾防卡千總馬明西打坂防卡把總劉謙各報稱據沿山各卡登高日兵於四月初一至初七日等日瞭見肋巴泉路上有人畜往東行走理合報明等情轉稟到總兵據此查各卡瞭見山北有人畜往東行諒係貿易夷人赴東打坂報信隨於見信之始刻即遣差守備常清帶領通丁前赴東打坂守候俟夷人到境查詢來情具報去後茲於初十日卯時據守備常清稟報守備抵東打坂候至初六日不見夷人到柵隨選帶精壯目兵十名出柵探迎於九日迎至奎素見夷人到來守備詢問夷人你們是做甚麼來的據稱今年是買賣年分我們台吉遵例打發我們做買賣來了守備問來了多少人幾個頭目叫甚麼名字有多少牲畜幾時從伊里起身的據稱共來了一百三十六個人內有達子四十六個纏頭九十個來了我們四個頭目內纏頭頭目三名我

叫額連胡里一叫買墨里替哈里伯一叫納素爾哈濟一個達子頭目叫達克達我們的牲口股數多了路上遺失倒斃未得查明確數約估騎趕馬有一千三百多匹駝有六百多隻牛有九百多隻羊有五萬多隻我們是去年十一月裏從伊里起身因路上雪大緩牧牲口走了五個多月守備又問你們有多少馱子馱的是甚麼貨物據稱有三百多馱子內止有十數個葡萄礮砂馱子別的是各樣皮張帳房口糧守備說葡萄礮砂等物我們這裏没人要言明不入交易你是知道的爲甚麼又帶來呢據稱礮砂是我們路上用的葡萄是我們喫的不是賣的貨物守備又說你們貿易的人例該先打發人來報信我們卡倫上瞭見你們好幾天了就該早來與我們報知怎麼不先打發人來報信呢據額連胡里說我們若打發底下的人來到卡子上報信恐說錯了話不敢差人先來我們四個頭目要到卡子上報信因納素爾哈濟在後頭病了等他到來我們帶幾個跟隨的人到卡子上報了信先要求見哈密大人回話還有我們台吉投將軍的字兒送的伯勒克哩守備說今年該你們肅州貿易例上止准帶一百人怎麼帶了一百三十六個人呢額連胡里說多帶的人是跟我們

看病記賬造飯的等我們後頭的人兩三日到齊著他們底下的人在山北裏緩幾天牲口我們四個頭目先要過山見哈密大人去哩守備說你們的話等我稟報哈密大人候示下來再給你回信該夷目應諾守備回卡理合稟報候示遵行等情到總兵據此查此次貿易夷目帶有葡萄礮砂等物稱係自用者至於多帶人數又稱係伊等造飯看病記賬之人今既據該夷來哈求見總兵回話并投遞伊台吉與本提督字單應俟該夷過山到哈之日總兵知會夷情部郎詢問的確如何情詞另爲咨報除差遊擊董茂林迎領夷使來哈詢問外所有貿易夷人到境緣由合先咨報等情咨報到臣臣查今歲戊辰年原係準夷赴肅貿易年分其該夷等多帶人數口稱與伊等看病記賬造飯之人至所帶葡萄礮砂亦屬有限之物該夷等既稱自己需用自不便阻其隨帶然夷性狡猾言語多屬不實俟該夷等到哈鎮臣王能愛查詢確實的係如何言語情形咨報到日另爲繕摺奏報所有貿易夷人到境緣由除知會督撫鎮道諸臣並飭臣屬各營照例定派官兵接替護送外謹先恭摺奏聞謹奏乾隆十三年四月十四日硃批知道了

李繩武摺二

安西提督臣李繩武謹奏爲奏聞貿易夷人抵哈查詢過言語情形事竊臣查今歲赴肅貿易夷目額連胡里等到境日期業經臣於本年四月十四日恭摺奏報在案茲於本年四月二十日准駐哈鎮臣王能愛駐劄哈密理藩院主事諾穆渾等咨報據前差赴東打坂引領夷目來哈之遊擊董茂林稟稱額連胡里等四名跟隨達子纏頭二十四名撒袋五副烏槍三杆腰刀一把騎趕馬三十六匹駝四十八隻內馱子駝四十一隻口食羊三十七隻於十四日巳時到柵遊擊帶領弁兵照料過山本日住歇南山口於十五日將該夷等引領至蔡湖迤南空閑處所預下營盤安頓住歇令派撥官兵在彼照料等情又於十六日據該遊擊董茂林回稟夷目要進城回話投遞字單總兵隨允其所請令其帶領來城照依奏定章程會同夷情部郎與之見面該夷目額連胡里等手捧字單一紙緞子一匹躬身投送據稱這是我們台吉澤旺多爾濟納木札爾投哈密將軍字兒送的伯勒克緞子一個今年是肅州買賣年分我們台吉遵例

打發我們做買賣來了總兵等問及夷目名字據稱我們共來了四個頭目內
纏頭頭目三個我叫額連胡里一叫諾落素哈濟一叫墨墨里替布一個達子
頭目叫塔克都總兵等說你們在山北裏報信說是一叫納素爾哈濟一叫買
墨里替哈里伯一叫達克達怎麼三個名字與山北裏說的不投呢該夷等說
前日山北裏想是沒有聽明白總兵等又問你們幾時從伊里起身路上走了
多少日子據稱我們是去年十一月二十日從伊里起身的路上走了五個多
月又問前次進貢來的噶吉敦多到哈密說做買賣的草飽時節纔得起身怎
麼如今就到來呢據稱噶吉敦多起身進貢的時節我們正收拾牲口皮張各
處做買賣的尙未調齊頭目沒有派定原說草飽時節起身出來他們走後我
們台吉說等草飽時節起身太遲了投到回來時節就冷了派了我們四個頭
目於十一月二十日給了字兒着我們從伊里早些起身路上緩緩行走到烏
魯木齊住著將各處的人畜等齊就來了總兵等隨着投到字單不能深識即
令夷目塔克都面讀經夷情部郎照依所念言詞寫出蒙古字單轉譯清文約
略譯出漢文內係給哈密將軍的奉大皇帝旨意進京做買賣的情願赴京做

買賣做買賣若說北京遠肅州一帶地方情願做買賣做買賣罷遵旨將一起買賣打發去了他們哈密做了買賣有情願回來的人這個做買賣的人連你邊界上住的人一樣那個地方有益做買賣好伯勒克緞子一個丁卯年十一月二十日總兵隨問該夷等你們來了多少人帶有多少牲口馱子馱的是甚麼貨物據稱連我們四個頭目共來了一百三十六個人內達子四十六個纏頭九十個馬有一千三百多匹駝有六百多隻內買賣馱子三百多個馱的是各樣皮張約有十數個葡萄礪砂馱子牛有九百多隻羊有五萬多隻總兵等責說今年是肅州買賣年分例上止准一百人你們怎麼今次又多帶了三十六個人甚不合例再葡萄礪砂肅州並沒人要言明不入交易你額連胡里做過兩次買賣是知道的爲甚麼這次又帶來呢據稱我們這次做買賣來的原是一百人多三十六個人是我們四個頭目帶來上賬看病造飯必用之人懇求將這些人帶往肅州去罷我們帶的葡萄礪砂只有十數個馱子是自己用的並不是賣的貨物再我們這次的牲口多因路遠行走有許多擦掌乏弱的懇求大人施恩替我們變了罷總兵等答說你們的買賣應在肅州地方交

易那裏有辦你們的買賣的官商哩哈密買賣人有限沒有人要你們該遵例都趕往肅州去該夷又說我們牲口擦掌乏弱的多若全行往肅州去天氣熱了路上有幾處水草微細恐趕不到肅州一路倒斃的多了我們底下的衆人就都很苦了總兵等又以定例詳加責說而該夷等乞憐糾纏不已總兵等答說既你們這樣懇求等我咨商我們總統大人候示下到來再告知你們罷該夷等即應諾隨待以酒食照料出城送赴營盤訖查額連胡里等多帶人數據稱係記賬看病造飯之人葡萄礮砂亦稱係自用之物並非買賣應否俱令帶往肅州至擦掌乏弱牲畜再再懇售可否准其在哈售變之處相應請商並將投到澤旺多爾濟納木扎爾字單緞子一併齎送等情咨報前來臣查上年額連胡里貿易前來在哈售變萬餘乏弱牲畜之時臣宣布皇仁之外已責說日後再不得照此作例務要遵著定例行該夷即爲應諾今又復以擦掌乏弱之數懇求在哈變賣似未便即爲遽准以滋該夷等違例無厭之求臣隨一面遣差陞任遊擊暫留安西城守營都司任闔相師前赴哈密會同鎮臣王能愛再加開導照例遵辦並查該夷等擦掌乏弱牲畜實在不能行走若干數目以及

多帶人數確情稟報去後隨又接准肅州道臣鈕廷彩來札內稱昨接照會交
易夷人所帶馬駝牛羊共有五萬餘匹隻較之上屆加倍肅州牧廠窄狹不能
牧放如許之多且恐日久不無疲瘦倒斃祈將該夷牲畜截留一半在哈密近
山有水草處暫牧先將一半緩程趕赴赤金一帶牧放俟會同官商覓得售主
赴口外看講分發等語查肅州牧廠固屬窄狹然關外之赤金一帶多係民戶
播種發苗之田更難容其數萬之牲畜散牧擾攘臣再四思維令該夷等暫於
山北有水草之處緩牧俟牲畜稍有精力再爲分起趕行既沿途不致倒斃與
該夷等有益且肅州亦得從容辦理內外更免經牧騷擾民田之虞臣復飛諭
遊擊閻相師會同鎮臣王能愛與該夷等講說去後茲據該遊擊回安面稟遊
擊奉差至哈密見額連胡里等責說昨日駐劄哈密大人與我們總統大人來
的文書上說你們要在哈密求變些牲畜總統大人差我前來著向你們說或
者初來貿易的頭目不知道定例不明白沿途水草多少還情有可原你額連
胡里是來過幾次的沿路幾處地方水草微細肅州牧廠窄狹你狠是知道的
前次總統大人查哈密時節曾面向你說過著你們後頭再來的買賣路途遙

遠只管如此多帶牲畜行至哈密勢必乏弱又求售變是使不得的事情你已遵著去了怎麼這一次又帶這許多牲口將乏弱的在哈密求變足見你們無信這不是有心違例麼你們上一次多帶十幾個人還可今番多帶三十餘人是何緣故再所報的姓名又多舛錯特著我前來問你們據額連胡里說將軍這一番話責問的狠是我想大皇帝與我們準噶爾人加的恩典不淺從前該往京裏去的買賣准在肅州做了省了許多費用我們台吉澤旺多爾濟納木扎爾並底下的衆人俱都是感激大皇帝天恩前一次我到哈密求變牲畜時將軍原向我說過著嗣後不必多帶牲畜受累的話我不敢不遵我有我不得已而的隱情況我也知道往肅州去路上有幾處水草微細但我們達子人家過日子所靠的是牛羊馬匹就是來中國做買賣也並不是我們台吉一個人的都是準噶爾衆人的買賣這衆人內如是有的人家還養些鷹狗得些皮張或別處貨換些細皮張交來到天朝貿易如窮的人家既無皮張止靠幾個牲口過活或牛羊馬匹他們那湊些交來我也因牲口墜累不願收止是窮富不得一樣自從蒙大皇帝施恩准我們台吉和好之後底下的衆人從前沒有

喫食的如今都受恩有了喫的了他們衆人聽的買賣出來無一人不攢湊帶些牲口想著要易換些東西霑受大皇帝恩典是這個緣故我也是不得已將牲畜趕著出來了至於多帶之人我額連胡里難道不知例上肅州買賣止准一百人麼敢違例多帶麼這三十餘人一則與我們記賬看病造飯實在我們的牲畜多了人少照料不來多這幾個人纔不作難今蒙大皇帝如此厚恩加與準噶爾的人身上將軍好處敢不實說麼因這個緣故上多帶三十多個人再姓名舛錯之處想是漢夷字音多一個字少一個字上頭錯了前者這裏大人都對明白了再哈密求售變的牲口今不准我們敢不遵麼就是我們台吉澤旺多爾濟納木扎爾也是不敢違大皇帝定例的這違例的話我額連胡里是何人萬萬當不起的若將疲瘦擦掌牲畜趕往肅州去賣我知道又有幾處地方水草微細這些牲口都是死數我們底下的窮人就是很苦累的了我前後思想萬分作難今將我們實情告訴也是沒奈何在哈密求變些就很露了大皇帝恩典養命的東西就都有賴了就是我路上也不受墜累了遊擊看得該夷等所言俱係實情隨遵諭向該夷額連胡里等說你們牲畜很多既有乏

弱擦掌的暫且在山北有水草處牧放緩息俟有臚力多分幾起行走我回去將你們情由回稟我們總統大人知道看是如何吩咐再傳你們知道罷該夷等言說都是實與我們有益的我們只是遵著行罷總是我這一番下情若能得到大皇帝跟前大皇帝見了我們這一番情節就都是有造化的就受恩不淺了再我們疲乏擦掌趕走不動的羊約有不足一萬隻牛有二三百隻馬有二三百匹止求施恩在哈密變賣了罷在將軍上好好的替我們回說等情相應將該夷等確實情形回稟等情又接准鎮臣王能愛札覆前來與該遊擊所稟無異准此臣查貿易夷人額連胡里等帶來牲畜較之於上年衆多其間多有瘦弱者該夷既稱情願在山北水草茂盛之處暫牧緩息應俟牧放稍有精力再爲照料分起趕行除札致肅州道臣鈕廷彩作速會同官商辦理外至該夷等求變趕走不動之擦掌乏弱牛羊馬匹臣緣該夷額連胡里等上次貿易到哈求變乏弱牲畜經臣業已責明下次不得爲例而今又復蹈前轍自難優容以致易視成例故專差遊擊閻相師會同鎮臣王能愛細加面爲開講定例今該夷因受皇恩深厚於極感之中吐出一切實情乞憐言詞益覺卑順接

厥其由實非有心違例若以定例拒其所懇則萬餘之擦掌乏弱牲畜值茲天氣暑熱長途趕行勢難保其存活伊處窮夷自多失望似非仰體我皇上加惠遠夷之意但查哈密地處極邊自減防之後僅有防兵二千名商民亦屬寥寥歷年來往夷人求變牲畜兵民甚覺掣肘且防所又無撥貯別項銀兩今該夷等求變乏弱牲畜見有萬餘之多若蒙恩准仍專責哈密辦理實不無有拮据之處臣仍差遊擊閻相師協同鎮臣王能愛將求變之牲畜設措售變似不致於周章夷人行走亦可輕便肅州辦理更無促迫之虞矣至多帶三十餘人該夷告以實有不得已而之情誠如聖訓此等小處不必與之錙銖較量似應准其隨往其葡萄礪砂既稱自用前摺業已恭奏自不便阻其隨帶再夷人姓名字音多寡之間今已更正清楚合併聲明除將前情咨會督撫諸臣外所有前項求變牲畜臣所請辦理之處是否有當理合繕摺恭請皇上睿鑒訓示遵行再額連胡里投到澤旺多爾濟納木扎爾蒙古字單謹加封呈進其寄臣伯勒克花緞一匹俟額連胡里回日再照前例備物以答其意謹奏乾隆十三年四月三十日安西提督臣李繩武硃批軍機大臣議奏

明 阿 里 袞 奏 緬 賊 差 人 投 書 探 信 遮 放 土 司 多 萬 福 並 不 報 明 聽 候 辦 理 除

將 多 萬 福 嚴 行 監 禁 已 委 潞 江 土 司 線 維 坤 協 理 遮 放 土 司 印 務 摺

臣 阿 里 袞 臣 明 德 謹 奏 爲 奏 聞 事 竊 照 本 年 五 月 據 緬 賊 差 我 兵 八 名 呈 字 臣
等 懇 求 投 誠 臣 阿 里 袞 一 面 具 摺 奏 聞 一 面 卽 傳 諭 沿 邊 土 司 如 緬 賊 再 有 人
來 探 信 卽 行 稟 報 并 因 邦 中 山 撫 夷 李 進 朝 係 內 地 漢 人 前 此 來 永 臣 阿 里 袞
等 亦 面 諭 該 撫 夷 令 其 留 心 查 察 茲 於 七 月 二 十 二 日 據 迤 西 道 錢 受 穀 稟 稱
據 李 進 朝 報 稱 探 得 有 木 邦 遣 羅 夷 三 人 到 遮 放 土 司 處 探 信 等 語 並 令 李 進
朝 來 永 面 稟 臣 等 卽 差 遊 擊 清 泰 帶 領 李 進 朝 前 往 遮 放 確 查 去 後 今 據 清 泰
等 將 遮 放 已 故 土 司 之 弟 多 萬 福 並 木 邦 夷 人 來 書 一 紙 及 伊 等 回 書 底 稿 一
紙 呈 解 前 來 臣 等 令 認 識 緬 字 之 人 查 看 來 書 係 羅 夷 字 並 非 緬 字 譯 出 漢 文
大 概 係 緬 曾 猛 毒 諭 木 邦 夷 目 苗 温 令 其 差 人 致 內 地 八 土 司 書 懇 求 准 其 投
誠 之 意 並 問 聽 得 有 大 皇 帝 差 四 位 大 人 來 永 是 否 准 其 投 誠 而 該 土 司 所 答
書 稿 內 均 稱 不 知 臣 等 恐 其 別 有 通 信 情 弊 令 凡 識 羅 夷 字 之 人 逐 加 查 看 所
言 俱 屬 相 同 臣 等 復 提 遮 放 已 故 土 司 之 弟 多 萬 福 嚴 加 究 訊 據 供 小 的 是 遮

阿 里 袞 明 德 奏 緬 賊 差 人 投 書 探 信 遮 放 土 司 多 萬 福 並 不 報 明 聽 候 辦 理 除 將 多 萬 福 嚴 行 監 禁 已 委 潞 江 土 司 線 維 坤 協 理 遮 放 土

放土司多萬寧胞弟因小的哥子死了十三年了侄兒多彭年今年纔十四歲
尙未承襲小的替他護印諸事俱稟商嫂子線氏辦理今年六月二十七日有
猛古搭界地方夷人三個前來投字問從前差人求投誠的信息小的稟商嫂
子他說我們並不知道這事只說俱不知道回他一字便了不必具報多事小
的愚昧夷人當令頭目們做了回書給來人拿去小的一時聽了嫂子的話並
未報明實是糊塗該死等語臣等復詰以六月二十七日以後緬夷曾否又有
人來探聽據供並未再有人來查多萬福既護土司印務緬賊差人投書探信
自應報明聽候辦理乃敢聽信婦人之言即給回書遣去情殊可惡除將多萬
福重責四十板發縣嚴行監禁俟軍務告竣請旨辦理外是其遮放土司地
方緊接邊地關係緊要臣等查潞江土司線維坤辦事妥幹且其地在騰越以
內又係已故土司之妻線氏胞兄臣等已委該土司前往協理遮放土司印務
並諭令嗣後凡有緬夷信息立即稟報不可稍有隱匿所有來字與回書底稿
謹譯漢文同原字及回書底稿一併恭呈御覽伏乞皇上睿鑒訓示謹奏乾隆
三十三年八月初五日硃批覽

高樸私鬻玉石案

基厚摺

奴才基厚跪奏爲遵旨據實陳奏仰祈聖鑒事奴才於乾隆四十三年十月二十七日接奉領侍衛內大臣總管內務府大臣額駙尙書公福隆安總管內務府大臣侍郎和坤遵旨傳諭內開乾隆四十三年十月二十三日奉上諭本日軍機大臣審訊與高樸通同販玉之張鸞據供今年三月同高樸家人李福路過江寧李福到總督衙門送信物請安後又到織造基厚衙門去請安等語復訊據李福亦稱前往織造衙門適值四爺上轎出門我就在衙門口迎上請安回明赴蘇辦貢的話並將書信面交等語李福既至基厚署前面見請安言明赴蘇辦貢基厚何以不加詢問况伊等所過浦口豈非基厚龍江關所管之地何以毫無盤詰任其坦行無阻已大不是及高樸事已敗露基厚尙始終掩飾不急自行舉首實屬徇私負恩獲咎甚重着將張鸞李福供詞抄寄閱看令其即速明白回奏將此由六百里傳諭知之欽此並奉抄寄張鸞李福供詞二件奴才跪讀之下惶悚無地高樸差家人李福販賣玉石南來於本年三月內經

由奴才龍江關所管之浦口渡江奴才任其坦行無阻毫無盤詰及李福至奴才衙門適值奴才出署遇見李福近前請安面詢據稱高樸差伊赴蘇辦買貢器緞紬帶有高樸寄給奴才書信並黑羊皮回布奴才將書信接收其羊皮回布即囑令交與門上及奴才回署李福已赴奴才叔父高晉衙門卽往蘇去訖奴才竊計李福到蘇辦買自必需時續於四月間奴才曾有寄給高樸緞紬等物令便差送蘇交李福帶去伏思奴才於李福投書之時既並未逐細查出販賣玉石之事迨高樸事已敗露又不急自行舉首奴才愚昧糊塗咎無可道實屬深負聖恩今奉諭旨着令明白回奏奴才實無可置詞惟有仰懇皇上天恩將奴才交部嚴加治罪以爲先不盤詰後不舉首始終掩飾者戒爲此據實明白回奏伏乞睿鑒謹奏乾隆四十三年十月二十八日硃批此次姑寬汝

巴延三摺十二

山西巡撫臣覺羅巴延三跪奏爲起獲衛全義寄回玉器恭摺奏聞事竊照本年十月十八日接准江蘇撫臣楊魁咨稱張鑾供出萬福如意一枝計長一尺

一寸七分係山西太谷縣人王萬士帶去貨賣於九月初十日在蘇起身應行追繳等因臣隨密委太原府知府費淳馳赴太谷縣率同該縣親至王萬士家內搜查王萬士已於十月十四日到家訊據王萬士供稱伊之姊夫喬雲煥先在甘肅蘭州雜貨鋪生理與衛全義交好因聞衛全義在蘇州做玉器發財喬雲煥今年帶伊同到蘇州即在衛全義寓處居住衛全義將如意三枝玉器四件議定價值開明發票託其姊夫喬雲煥覓售喬雲煥轉遺王萬士帶了玉器於九月初十日起身回山西正要覓主銷售今蒙查起所有萬福如意及其餘六件原物現在并有衛全義圖記發票一併呈繳此係衛全義轉託帶回貨賣並非張鑾親交再四究詰堅供此外實無隱藏別樣玉器等情將玉器七件一併呈送到臣臣隨細驗萬福如意與蘇省來咨尺寸相符其餘梅壽如意福壽有餘如意二枝及玉瓶玉山玉子進壽圖四件亦與王萬士呈出發票相同臣查張鑾與衛全義朋比販玉本屬同夥衛全義之物即係張鑾之物王萬士之姊夫喬雲煥既與衛全義交好將重價玉器轉託貨賣亦屬通同圖利之人臣現在飛咨江蘇巡撫將喬雲煥查拿嚴審如何夥同售賣情由辦理外仍恐喬

雲煥聞知事發或潛回原籍並嚴飭各屬一體查緝毋致疎漏所有起獲玉器七件一面委員齎送赴京謹將衛全義在蘇發票一紙先行固封進呈御覽理合恭摺具奏伏乞皇上聖鑒謹奏乾隆四十三年十月二十八日硃批覽

勒爾謹
奏 沅 摺 六

陝甘總督臣勒爾謹
陝西巡撫臣畢沅

跪奏爲奏聞事竊臣接准山西撫臣巴延三咨會抄出張

鑾書信該犯在江蘇置辦紬緞貨物赴肅應一體查緝又抄寄魏元章寄伊子魏象紀家信內稱蘇州辦下紬緞顧繡等物準於十月十一月打發上肅並云肅州道門上袁姓處有一宗銀子等語又歸化城之三義號買有庫與張鑾出本分利貨物牲口駝隻已遣赴烏魯木齊等處各等因前來臣等覆查該犯等所辦紬緞顧繡等物既有十月十一月打發上肅之語則此時或到肅州或仍在陝甘一帶行走均未可定臣等已飛飭各地方官上緊截拿至三義號遣赴口外貨物亦經飛飭沿途一帶截查稟報並咨烏魯木齊都統索諾穆策凌暨新疆各處駐劄大臣飭屬查緝惟魏元章信內肅州道門上袁姓處有一宗銀

子雖語句未甚明晰而情弊顯然查袁姓以道員管門家人膽敢與奸商通同作弊必須徹底跟究認真查辦臣勒爾謹已飛檄飭委甘肅按察使達爾吉善前赴肅州親提袁姓審訊並密查安肅道陳之銓是否知情容俟按察使達爾吉善查明稟報 硃批恐不能審斷明白到日臣勒爾謹另行恭摺馳奏外所有臣等准咨查辦緣由謹繕摺奏聞伏祈皇上睿鑒謹奏乾隆四十三年十月三十日硃批知道了

勒爾謹摺七

陝甘總督臣勒爾謹
陝西巡撫臣畢沅

跪奏爲遵旨盤拿周星若務期弋獲先行恭摺覆奏事竊

臣承准大學士公阿桂大學士于敏中字寄乾隆四十三年十月二十三日奉上諭本日據江省委員將張鑾押解到京交軍機大臣審訊據供高樸於上年四月到葉爾羌有蘇州商人周星若同趙鈞瑞即趙鄉約前往請安後來高樸又叫郭普爾向周星若要過如意樣子並供周星若趙鈞瑞在葉爾羌已經多年了高樸到後常往走動等語趙鈞瑞即趙鄉約已據勒爾謹奏拿獲解京矣

周星若在葉爾羌多年高樸到彼即時常走動必亦有通同私販玉石一事不可不嚴行訊究已降旨令永貴在葉爾羌一帶拿緝但恐該犯狡黠聞高樸等敗露即潛回內地藏匿亦未可知著傳諭勒爾謹畢沅即飭沿途各地方官並派明幹員弁嚴行盤查截緝務將該犯拿獲委員解京審訊毋任免脫並著傳信楊魁於該犯蘇州原籍一體緝將此由六百里傳諭知之欽此遵旨寄信到臣臣等查該犯周星若在葉爾羌多年偷買玉石如聞高樸敗露自必潛回內地現在陝甘兩省因嚴拿各商私販玉石選派員弁兵役於關津渡口以及僻路通衢盤查甚爲嚴密該犯雖極狡黠亦斷不能潛逃臣等欽奉諭旨仍密飭陝甘兩省嚴行盤緝并派委明幹員弁自潼關至嘉峪關凡有要隘處所俱一體速行截拿其省北省南又令各該道府州督屬嚴緝務期就獲不致任其免脫除俟將該犯周星若拿獲即刻委員解京審訊外所有臣等遵旨盤查截緝緣由理合恭摺先行由驛覆奏伏乞皇上睿鑒謹奏乾隆四十三年十月二十日硃批覽今獲犯否

楊 魁摺九

江蘇巡撫臣楊魁謹奏爲遵旨查辦先行覆奏事乾隆四十三年十月二十六日承准大學士公阿桂大學士于敏中字寄內開乾隆四十三年十月二十一日奉上諭據山西按察使李承鄴奏至右玉縣查封張鸞家產訊據張鸞胞兄張鈞供稱乾隆四十一年八月我兄弟張鸞出銀六千兩與臨汾縣人衛全義即衛和齋汾陽縣人馮致安合夥衛全義也出銀六千兩馮致安沒出本錢止得勞金兄弟又約了他親家任效曾入夥也出銀一千兩同在蘇州做綢緞生理又到葉爾羌販買玉石等語隨命軍機大臣將江南解到之任效曾即任孝哉嚴加刑訊據供衛全義出銀之事伊雖不知但張鸞等曾說代衛全義帶貨我與馮致安同張鸞到葉爾羌我因怕沿途盤詰未敢帶玉只買了些黑羊皮進口販賣將來張鸞到案可以質對得的又供衛全義是久慣做玉的尙在蘇州住著馮致安已回山西等語衛全義既出銀與張鸞合夥雖未至葉爾羌而張鸞等代其帶貨且久經賣玉又有玉器三件交任效曾攜帶其與張鸞同夥無疑雖事在高樸通同偷賣玉器之前而託人往買葉爾羌官玉亦有應得之

罪著傳諭楊魁即將衛全義查拿委員解京沿途小心管解無稍疎懈並將伊蘇州所有玉鋪家產查封至馮致安係汾陽縣人既據任效曾供已回籍著巴延三卽行派委明幹大員將該犯拿獲派員解京沿途亦小心管押勿致疎懈若又出門他往並著查明追緝務獲勿使漏網其衛全義係臨汾縣人恐該犯或回原籍亦未可定並著巴延三一併訪查嚴緝至李承鄴摺內奏稱將衛全義馮致安家產亦行查封朕初閱尙覺李承鄴所辦過當今既訊據任效曾供稱衛全義馮致安二犯亦係張鸞同夥各有應得之罪其家產自應查封將此由六百里諭令楊魁巴延三遵照速辦卽由驛六百里先行覆奏並傳諭李承鄴知之任效曾供並抄寄閱看欽此遵旨寄信到臣當卽率同藩臬兩司暨府縣各員密赴衛全義所住之穿珠巷將衛全義拿獲並將該犯家內嚴密搜查所有已做成玉器並現在作房未做成玉器大小共一百四十九件玉料大小六塊計重一百二十七斤殘碎玉料計重四百二斤銅器十件磁器十件存銀二百三十餘兩七折錢八兩並衣飾什物等項逐一公同點明封貯隨訊據衛全義供係山西曲沃縣人於乾隆三十五年始到蘇州與甘肅人魏佳士合

夥置買綢緞雜貨赴甘售賣與張鸞向未謀面四十年二月張鸞來蘇帶有魏佳士書信托其照應始與熟識張鸞往來蘇州置買綢緞等物赴甘售賣四十年該犯曾買綢緞遣夥同張鸞僱工赴甘變賣一次並無出銀六千兩與張鸞合夥之事張鈞從未見面該犯因無子娶妾在蘇租房居住買賣銅磁玉器曾將方瓶龍鳳洗鞭柄子三件托張鸞帶賣銀已收回此外並無交涉現在所查銅玉磁各件並非張鸞之物亦未托買官玉所有家財已被查封尙有磁器本銀一千兩托交夥計柴安國伊甥李以挺帶去陝西甘肅貨賣又另有玉蘭花等玉器四件交馮應鐘帶往廣東售賣此外實無隱匿寄頓等語臣以該犯既與張鸞交好且曾合夥販賣綢緞並托帶賣玉器其出銀六千兩通同偷買官玉明係必有之事且所存玉器至一百數十件之多其爲任意狡賴希圖卸罪無疑復嚴加究詰該犯以質證無人堅不承認若與張鸞任效曾等三面質對自無能絲毫捏飾臣遵即委員於十月三十日將該犯衛全義管押解起程進京並移行前途一體小心防範毋稍疎懈一面飛咨陝西甘肅廣東督撫諸臣查明柴安國馮應鐘等所帶磁器銀兩及玉器四件一併追解至該犯查封

各物俟奉到諭旨再行分別辦理謹先另繕清單恭呈御覽所有拿獲衛全義並查封家產緣由理合遵旨由驛六百里先行馳奏伏乞皇上睿鑒謹奏乾隆四十三年十月三十日硃批覽

勒爾謹
跪奏
為遵旨明白迴奏事竊臣等承准大學士公阿桂大

學士于敏中字寄乾隆四十三年十月二十三日奉上諭軍機大臣訊據高樸

家人常永供稱伊跟隨高樸往葉爾羌時沿途驛站需索銀兩少者四兩六兩

多至五六十兩直隸境內少些到了山西一帶漸漸多了等語前因各省驛站

遇有欽差大臣官員過境往往預備公館長隨胥役備辦供應任意開銷而大

臣官員之家人前站亦每有需索騷擾之事屢降諭旨嚴加飭禁乃高樸奉差

往葉爾羌沿途經過各驛站縱容家人需索騷擾該督撫豈竟毫無見聞何以

不行參奏况高樸曾在保定喝令鞭打辦差家人周元理安得諉為不知乃竟

隱忍不言伊等不過因高樸係兵部侍郎出差驛站事務亦其專管故爾畏懼

不敢言伊等不過因高樸係兵部侍郎出差驛站事務亦其專管故爾畏懼

逢迎甘心徇隱設欽差大臣勢位更有大於此者沿途地方官又將如何酬應乎此事於吏治甚有關繫著傳諭周元理巴延三畢沅勒爾謹將因何不行查察參奏之故明白廻奏將此由五百里諭令知之常永供詞並抄寄閱看欽此欽遵寄信到臣臣等跪讀之下慚悚交並伏念各省驛站屢奉聖旨嚴禁騷擾諸弊不啻至再至三臣等雖時刻嚴飭司驛官員務須恪遵功令倘有出差官員人等借端需索即據實稟明以憑參究今高樸家人仍有沿站勒索使費之事臣等未能稽察罪無可辭惟有仰懇皇上天恩將臣勒爾謹畢沅交部嚴加議處以示懲警至陝甘地方幅幘遼闊差使往還絡繹不斷驛站事宜若不嚴定章程認真查辦誠如聖諭與吏治大有關繫但驛站易滋弊竇奉差大臣官員倘不能約束家人勢必借端需索並有與管號長隨私相勾結以爲浮開使費之地該州縣略欠精明未有不墮其術中者臣等現在欽遵諭旨詳議熟商必須將各驛站大加整頓以求一諸弊盡絕永遠遵行之良法所有一切應行改革事宜容臣勒爾謹畢沅悉心定議並與直隸督臣周元理山西撫臣巴延三互相札商彼此關會另行奏明辦理以便嚴飭各站一律遵行如此番整飭

之後差員家人等仍有怙惡不悛借端需擾之處臣等即據實嚴行參奏倫臣等稍存瞻顧聖明燭照靡遺無遠弗届一經發覺請將臣等從重治罪臣等此次仰蒙訓飭務必詳籌妥辦斷不敢稍有徇隱代人受過自貽伊戚也謹遵旨明白廻奏伏祈皇上睿鑒謹奏乾隆四十三年十月三十日硃批另有旨諭

西 寧摺二

奴才西寧跪奏爲遵旨自議恭摺覆奏仰祈聖鑒事竊奴才之子基厚有李福投書未經舉首一事奴才遵旨恭摺明白回奏於本年十月三十日奉到硃批此豈交部所完之事汝自議來欽此奴才跪讀之下感激悚惶莫能名狀伏念奴才一家父子弟兄叔姪世受殊恩至優極渥理應互相戒勉以冀仰報高深今奴才之姪高樸貪婪狼藉至此奴才之弟高晋又復辦理錯謬朝夕惴惴且寢食難安乃更有奴才之十基厚當李福路過江寧投遞書信既未盤究於前又未舉首於後奴才於父子之間毫無覺察清夜自思昏憤實甚仰蒙聖慈不即治罪諭令奴才自議皆出聖主格外天恩奴才感激涕零實無可以自贖輟

轉思維奴才情願議罰銀一萬五千兩稍贖前愆其議罰銀兩理應即時照數全交奴才何敢不竭力完納贖罪緣本年九月十五日尙書公福隆安面傳諭旨西寧所奏內務府送盛京磁器不必令商人王起鳳辦即着西寧自行送往欽遵在案奴才現在自行備辦運價於明年運送盛京交納所有議罰銀兩一時未能全交仰懇皇上格外鴻慈奴才於年內現交銀五千兩解赴內務府充公其餘銀一萬兩討限三年自明年起分年完交如蒙愈允則奴才益感沐天恩於無既矣所有奴才遵旨自議緣由瀝陳下情理合恭摺覆奏伏乞皇上恩鑒奴才不勝惶悚之至謹奏乾隆四十三年十一月初一日硃批覽

周元理摺三

直隸總督臣周元理謹奏爲查明覆奏事竊臣前奉諭旨飭查高樸經過各驛站縱容家人需索騷擾及在保定鞭打辦差家人臣即欽遵傳詢前任清苑縣知縣鄭製錦業將當日鞭打辦差家人情形具奏請旨將臣交部嚴加議處其前任清苑縣鄭製錦業請一併議處仰蒙聖鑒在案所有自良鄉至井陘一帶州

縣當經飭查如何給與銀兩情由據實具稟去後茲據各州縣逐一稟覆前來
內良鄉縣知縣陸燿滿城縣知縣謝耀已於另案參革望都縣知縣趙通漳定
州知州孔傳瀛新樂縣知縣劉啓秀業經病故定興縣知縣趙振緒患病回籍
據現任州縣傳訊在驛書役據稱如有銀錢使費係前任家人與高樸家人面
說書役等在外料理馬匹不能知悉等語查良鄉縣知縣陸燿已經參革尙未
回籍詢據該員稟稱良鄉爲出京首站來往差使甚多從無給與銀兩之事又
前任署涿州試用知州王安現在省城詢據該員稟覆當日曾給與高樸家人
銀四兩又前任安肅縣現任涿州知州郭守璞稟覆當日曾給過銀六兩正定
縣知縣趙廷案獲鹿縣知縣唐奕恩亦各給過銀四兩僉稱高樸家人到站需
索挑馬刁難無奈給與等情惟尾站井陘縣知縣周尙親稟稱當日高樸過境
其時正值四川明正土司入覲到驛并有道府大員在站護送高樸不及停留
卽匆匆換馬起程並未給與家人銀錢各等語臣查各州縣給與高樸家人銀
兩雖由需索而起從前屢經欽奉諭旨嚴行飭禁該州縣何得復行給與銀兩
又不據實揭報均有不合相應請旨一併交部嚴加議處爲此繕摺具奏伏乞

皇上睿鑒謹奏乾隆四十三年十一月初三日硃批該部議奏

畢 沅摺七

陝西巡撫臣畢沅跪奏爲陝省續獲商販玉石審明具奏事竊臣欽奉諭旨查拿客商私販玉石所有拿獲吳芑洲等各犯業經審明具奏將玉石人犯先後委員解京並將追緝至湖北襄陽縣拿獲玉商楊添山等亦經恭摺奏聞在案茲又嚴飭各屬在境內實力搜查據涇陽縣知縣葛晨拿獲雷英玉石一起共計一百二十九塊秤重六百二十斤十三兩又玉子大小十三個秤重三十七斤三兩又孫全德玉石一起共計四十二塊秤重三百九斤二兩又王德章玉石一起共計十九塊秤重八十七斤又據靖邊縣知縣趙贊署巡檢李尙志在於邊牆外寧條梁地方拿獲樊迎吉李文芳玉石一起共計一百一塊秤重五百八十三斤十三兩又玉魚一件隨將各玉石並一千人犯提至省城臣與司道公同嚴審緣雷英係陝省郃陽縣人向在哈密王正亨雜貨舖內合夥生理乾隆四十二年八月向哈密開皮貨舖之回民馬天懷買玉石一百五十斤用

銀九百兩又向哈密賣羊回民薩金海買玉一百七十斤用銀一千二百二十四兩四十三年二月向駱駝客丁子彥買玉一百五十斤用銀八百七十兩又陸續收買並貨物易換共玉一百五十斤十三兩約用銀七八百兩忘記賣玉人姓名又買大小玉子十三個重三十七斤三兩約用銀二百餘兩亦不記買自何人該犯自口外由肅州來陝係與小夥劉貴同行又一起孫全德係陝省蒲城縣人向在哈密田登雜貨舖內生理有哈密回民馬交臨馬阿紅欠伊貨賬以玉石一百三十斤二兩抵銀五百餘兩又向關展住家之劉統子買玉一百七十九斤用銀一千七十四兩又一起王德章係江蘇元和縣人販賣綢緞至肅州向在肅住家之回民張姓買玉石八十七斤用銀七百八十三兩又一起樊迎吉係山西夏縣人與樊天富等在肅州雜貨舖生理樊迎吉運貨出口本年閏六月在阿克蘇向江南人周秀忠兩次買玉五百八十二斤一兩用銀六千六百兩回至肅州因短少腳價又與李文芳合夥李文芳出銀二千二百五十兩約俟賣玉收本分利又李文芳在肅州亦買不知姓名人玉石一斤十二兩又買玉魚一件共用銀二十兩以上雷英劉貴係全德王德章樊迎吉李

文芳臣等反覆究詰堅供並非勾通高樸家人偷買玉石亦皆並不認識常永
趙鈞瑞核其偷販情事均與前獲之吳芑洲等相同又據咸寧長安二縣知縣
王朝爵丁尹志在北關客店拿獲施姓玉石一起共計二十六塊秤重六百六
十三斤現在施姓在逃隨即提訊店戶陳貴供稱客商一行三人馱子四個於
十月二十三日二更時到店問係姓施口音似南邊人至五鼓留馱在店人俱
潛逃次早陳貴正在訪尋即經該縣等帶領差役往查起獲玉石稟報恐該店
戶陳貴有受賄賣放情事嚴加究詰堅供施姓等二更到店伊並不知所馱是
玉想施姓因聞查拿嚴緊是以棄貨思逃深夜潛出本屬甚易何須行賄况拿
獲施姓總須質訊不敢捏謊等情查所獲各起玉石共二千三百斤十五兩又
玉魚一件並無官票俱係私販臣即將塊數斤重當堂驗明編列號數粘貼印
花造冊填注委員即日起程解京一面嚴拿施姓務獲

硃批 今獲否此人不可照吳芑洲例完結以

其犯法而逃也

嚴訊玉石買自何地何人用銀若干另行辦理外理合恭摺奏聞再查

向例並無私販玉石治罪專條前解之吳芑洲等臣與督臣勒爾謹奏請勅部
另行定擬以便續有緝獲遵照辦理此次雷英等各犯應俟內部定例行知到

日一律定擬臣仍一面先行咨查口內口外照各犯所供得價賣玉及給玉抵欠各銀數一並追出解京外所有續獲玉石數目及訊過供詞另繕清單恭呈御覽伏祈皇上睿鑒謹奏乾隆四十三年十一月初四日硃批「已有旨了」

舉 沉摺八

陝西巡撫臣畢沅跪奏爲遵旨查抄趙鈞瑞家產貲財恭摺覆奏事竊臣承准大學士公阿桂大學士于敏中字寄內開乾隆四十三年十月二十日奉上諭連日軍機大臣審訊高樸家人常永據供鄉約趙鈞瑞於昨歲迎接高樸到十三台地方及高樸到葉爾羌趙鈞瑞曾送過高樸玉器禮物嗣後遂常到高樸處行走高樸待之甚厚此次交常永帶回玉石一千五百觔即係趙鈞瑞以每觔作價十五兩包辦趙鈞瑞自己尙有玉石二三千觔裝車在後行走趙鈞瑞并曾向常永說如玉石賣不出去要往江南去賣又聞得趙鈞瑞在葉爾羌做買賣已二十餘年等語趙鈞瑞久在回疆牟利其家計自必饒裕今該犯身獲重罪理應查抄家產以警奸販著傳諭畢沅即速派委幹員前往渭南縣將趙

鈞瑞家產實財嚴密查抄毋任絲毫隱匿寄頓將此由六百里諭令知之仍將查辦緣由迅速由驛覆奏欽此遵旨寄信到臣隨即密令藩司富綱星夜馳赴渭南趙鈞瑞家將其家產實財詳細搜查旋據回省稟稱將該犯家內一切衣物銀錢逐細搜查封貯并查明所住房間取租店舍以及糧食牲畜地畝數目隨訊取趙鈞瑞之母妻兄弟親屬雇工鄉約各供詞具稟前來臣查該犯趙鈞瑞家內據查只有住房二十四間半半係新修半係舊有又新買店房一所計房二十二間係用銀二百六十兩置買查有印契一紙又旱地七十八畝零銀一千四百餘兩又穀麥十餘石馬騾牛驢六頭又綾紬褐布等衣服三十餘件餘俱零星首飾物件及一切日用家具其行李車四輛前于臨潼途次盤獲所有衣服皮張等項業經逐細開單奏明在案該犯趙鈞瑞正在起解間臣復與督臣勒爾謹親提嚴審究追據供認阿克蘇葉爾羌等處買有客店四座飯舖一所住房一所騾馬十五頭又阿克蘇有駱駝七十隻肅州有出雇駱駝九十餘隻臣思趙鈞瑞在新疆年久買賣經營豈只有此產業該犯之父趙進貴尙在省城隨提往復審訊並飭屬密訪嚴查旋據長安縣知縣丁尹志稟報訪得

北門外馬家莊現歇有馱子數十擔形跡可疑當即親往查起共計大小箱包七十一個俱係綾綢及顧繡衣服雜貨等物并拿獲雇工黃虎兒前來臣即親提該犯訊究據供伊于今年正月內同趙鈞瑞之子趙世保並趙鈞瑞之弟趙金海即趙四及同夥余金寶自肅到家三月內趙世保等帶伊同赴蘇州住汪姓店內置辦綢緞等貨七十一箱包于九月二十日起程及進潼關聽聞查拿余金寶令伊押貨先行即卸放伊家余金寶與趙世保隨後行走現尙未到貨物即被查獲趙金海尙在蘇州未回並聽得伊等先令肅州人牛四帶玉石赴蘇州賣銀二萬餘兩牛四現在揚州榷子街寶玉行內等供臣查余金寶等在蘇置辦貨物自必將玉石賣去收回價銀始能辦貨趙金海現尙逗留在蘇亦必係收取玉賬均須徹底跟究俾奸商不致漏網臣已飛飭各州縣將余金寶趙世保速行拿獲解省嚴審則在蘇賣玉底裏並此外有無合夥之人不難立明隨一面飛咨江蘇撫臣楊魁將趙金海即趙四並牛四及居停之汪姓店主寶玉行主一並速行查拿就近切實追究至陝省境內再加緝訪並出示曉諭如有奇頓趙鈞瑞玉石財物即刻自行呈首尙可邀恩照自首之例免罪若此

時匿不首報將來一經查出即加倍治罪再查該犯趙鈞瑞渭南家中房產衣物等項前於十月初二日經委員督糧道翁燿西安府知府舒其紳兩次親往搜查玉石時已皆一一查點明白開單存記派官看守核與此次搜查物件無異除飛咨烏什參贊大臣永貴將該犯葉爾羌及阿克蘇房屋駝騾等項速行查抄至口外各城恐尙有該犯隱匿財產及合夥生意之人均須一並詳細確查就近辦理其口內肅州等處該犯趙鈞瑞供認之外是否尙有生意房屋並伊等先令運玉赴蘇州售賣之同夥牛四所有家產亦飛咨督臣勒爾謹一體確查辦理除俟余金寶等拿獲到日另行訊取確供恭摺具奏外所有臣遵旨查辦緣由理合先行由驛覆奏並查抄趙鈞瑞家產財物及續又搜獲綢緞雜貨等項同訊過各供分繕清單恭呈御覽伏祈皇上睿鑒謹奏乾隆四十三年十一月初四日硃批知道了

勒爾謹摺九

陝甘總督臣勒爾謹跪奏爲覆奏事乾隆四十三年十一月初三日臣途次汾

州准大學士公阿桂大學士于敏中字寄乾隆四十三年十月二十八日奉上諭據永貴奏有商人徐茂如亦與高樸連手曾給過高樸金銀並許送給好玉係沈太經手等語已傳諭永貴查辦並傳諭楊魁在蘇州一體訪拿矣因訊之張鑾據供趙鄉約夥計有個徐三曾託他帶過信與高樸不知他叫什麼名字其人係西安人等語徐三是否即係徐茂如難以懸定但據稱係西安人或在陝甘一帶逗留藏匿亦未可定著傳諭勒爾謹畢沅即將徐三查拿到案若即係徐茂如因應解京訊明治罪即非徐茂如而既與趙鄉約同夥又曾代張鑾寄信亦係偷販玉石案內知情之人並著該督撫於訊明後即派委員解京訊究將此由六百里傳諭知之仍將查辦緣由迅速覆奏欽此遵旨寄信到臣臣伏查徐三是否即係徐茂如誠如聖諭難以懸定但既與趙鄉約同夥又曾代張鑾寄信即係偷販玉石案內知情之人既據張鑾供稱該犯徐三係西安人恐即在西安一帶藏匿亦未可定臣已密札西安府通飭各屬嚴密訪拿又恐該犯於途次潛藏並飭陝甘各屬一體實力嚴緝務期弋獲所有臣遵旨查辦緣由理合恭摺覆奏伏祈睿鑒乾隆四十三年十一月初四日硃批今獲否

兩廣總督李侍堯奏審擬續獲高明縣民黎奇珍娶逃婦林亞妹爲妻商
同陳嘉拔等謀殺謝幹儒一案案犯摺

大學士仍管兩廣總督昭信伯臣李侍堯跪奏爲續獲案犯審擬具奏事竊查
廣東高明縣民黎奇珍潛越安南娶逃婦林亞妹爲妻被謝幹儒斥責令其送
還夫家並欲捉拿送官黎奇珍商同陳嘉拔等謀殺謝幹儒搜取財物一案先
據安南國王獲犯解送回粵經撫臣德保於暫兼督篆任內審明定擬將黎奇
珍奏請正法其屍兄謝彬儒前在安南稱係憑祥州吏目是否假冒土官與屍
姪謝百受逃婦林亞妹聲明查拘到案另行審辦在案嗣據署廣西明江同知
陶世鳳等拿獲謝彬儒謝百受解東並據安南國王獲解逃婦林亞妹同收留
嫁賣之馬亞二於十月初七日遞到東省經臣先後飭司委員查審茲據廣東
按察使陳用敷布政使姚成烈督同廣州府知府李天培等審擬解勘前來臣
提犯覆加研鞫緣林亞妹係廣西思恩營兵丁潘廷榮之妻夫妻不睦林亞妹
常被打罵乾隆二十九年二月初四日潘廷榮因見林亞妹做就布鞋未經携
往墟場售賣復行打罵林亞妹起意背逃詭稱赴墟賣鞋走至板瀑地方出口

初八日到安南洞達墟有廣西土忠州民馬亞二者原與潘廷榮同街居住先於乾隆三十年三月十七日從由村隘偷越出口即在安南娶妻林氏做鞋營生是日亦往洞達趁墟途遇林亞妹見其神色慌張用言盤詰林亞妹告知情由懇其代爲覓嫁馬亞二應允即將林亞妹帶回家內十八日有先經正法之黎奇珍至馬亞二家見有內地婦人向馬亞二查問來歷馬亞二告以女名亞妹路遇收留現欲嫁賣之語黎奇珍圖娶爲妻遂與馬亞二覲面說明三月二十日備辦酒肉檳榔並財禮銀二十兩送交馬亞二收受即於二十八日迎娶過門五月初間黎奇珍攜帶林亞妹赴叩步村討賬適同縣人謝幹儒因往沙波雇夫班日清梁進朝擡轎陳經聞挑担途遇舊時熟識之李朝碧結伴同行五月初四日回至整瓏地方與黎奇珍撞遇見其攜帶林亞妹行走謝幹儒悉知林亞妹走失緣由遂責黎奇珍拐帶婦人欲令同回將林亞妹送還夫家並有若不依從捉去送官之語黎奇珍恐事敗露起意殺死謝幹儒洩忿並圖攫取財物遂帶林亞妹隨行在前初七日至龍坑地方遇見平素交好之陳嘉拔將林亞妹送往村內住歇自與陳嘉拔商同刦殺陳嘉拔應允轉糾潘廷斯吳

亞先吳白毛各用鍋煤塗面攜帶鐵鎗於初八日早至文淵嶺脚等候謝幹儒
踵至下轎出恭轎夫班日清等擡轎先行吳亞先吳白毛即用鎗扎傷謝幹儒
身死黎奇珍等追趕行李陳經聞等畏懼奔逃黎奇珍等遂將行李什物攫取
而逸梁進朝等趕報先經同行之李朝碧稟報該國文淵州土目時謝幹儒之
兄謝彬儒堂姓謝百受均在安南貿易聞知赴看經土目驗明將一千人等送
赴諒山鎮目審訊恐謝彬儒冒認屍親詰詢來歷謝彬儒供出曾在憑祥州充
過書吏案目夷官隨將屍棺給謝彬儒領埋謝彬儒因兇手未獲向李朝碧查
問李朝碧告知謝幹儒在途撞遇黎奇珍爭角之事並稱黎奇珍平日與陳嘉
拔潘廷斯往來交好均屬不端之人黎奇珍曾在譚老八店內住宿與戴楊忠
彭朝奉住處相近謝彬儒疑有同謀截殺情事密稟夷官僉差帶同謝百受於
五月二十五日將黎奇珍林亞妹拿獲迨至坑剝飯店吃飯林亞妹乘間逃走
仍回馬亞二家藏匿續經安南國王獲解各供前情不諱核與原案供情符合
並據西省明江同知暨寧明州先後拘獲謝彬儒謝百受解東行調憑祥土州
卯冊謝彬儒原曾充過書吏案目似係安南國王來咨聲叙未明並非謝彬儒

藉稱土官已有憑証其與謝百受先後出口均經載入寧明州號簿且有原領牌照繳查似無虛捏查律載妻背夫在逃因而改嫁者絞窩主同罪至死減一等等語林亞妹因被夫打罵輒敢私逃改嫁合依妻背夫在逃因而改嫁者絞律擬絞監候秋後處決馬亞二窩留改嫁應於林亞妹絞罪上減一等杖一百流三千里但該犯私越安南窩留逃婦情殊可惡應請從重改發黑龍江等處給披甲人爲奴謝彬儒并未假冒土官亦無在夷滋事謝百受即謝彩亦無縱放林亞妹情事其先後出口均經領有牌照應免置議馬亞二所得財禮銀兩照追入官林亞妹本夫潘廷榮遠在廣西應免提訊失察林亞妹馬亞二出口職名查明另行參奏逸犯陳嘉拔等查緝獲日審明另辦除將全案供招咨部外所有續獲案犯審擬緣由理合恭摺具奏謹錄供單敬呈御覽伏乞皇上睿鑒勅部核擬施行謹奏乾隆四十年閏十月十六日硃批該部核擬具奏

道光朝外洋通商案

盧坤摺

兩廣總督臣盧坤跪奏爲拿獲出洋販買鴉片煙土人船將審辦情形恭摺具奏仰祈聖鑒事竊照廣東沿海一帶土棍勾通夷人用快蟹艇出洋販買鴉片煙土屢奉諭旨飭拿臣迭次嚴飭水師員弁偵緝茲於本年三月十六日據署香山協秦裕昌督率署都司羅曉風等帶領兵丁協同路役在於零丁洋面拿獲快蟹艇一隻人犯李亞祖袁亞保胡亞堯三名起獲烟土三十八包共三百七十八斤夷字書信一紙並器械各件提訊李亞祖等供認於三月初十日經在逃之姚九歐寬交給該犯李亞祖番銀三萬六千兩雇鄭亞且快蟹艇裝載議定雇價洋銀二百元雇水手鄭亞桃周亞蘇等於是晚從僻港偷越出洋駛至零丁洋面向灣泊夷船買得烟土十六箱在海邊寄棧等候海船載往潮州一帶售賣十三日被兵役巡獲所買烟土除起獲之外俱拋海內詰以何國夷船不能指出其夷字書信據供係姚九同在逃之馮亞林所寫飭拿姚九等犯均已先期潛逃查姚九等與販鴉片烟土發銀至三萬六千兩之多其爲開設

大審口土棍無疑非痛加懲罰無以示戒訪得姚九歐寬二犯均在省城住家開店恐其家內尚有違禁貨物及交通夷人書信即密札廣州府知府金蘭原署番禺縣知縣張錫蕃會同營員將該二犯家產查封逐一抄檢並無違禁物件書札查該犯等開設審口勾通夷人其輿販必不止此一次夥黨亦不止李亞祖等數人必須澈底跟究從重治罪以儆匪類而除民害除將李亞祖等飭發臬司委員審辦起獲煙土先行燒燬抄出家產器物飭令估辦並嚴飭地方文武並移隣封營縣一體設法購線緝拿姚九等務獲究明輿販次數夥黨姓名從重擬辦外所有拿獲走私匪艇人船查辦緣由謹會同巡撫臣祁堉合詞恭摺具奏伏乞皇上聖鑒道光十四年七月二十九日硃批查拿甚好欽此

哈豐阿等摺

兩廣總督臣盧坤
廣州將軍臣哈豐阿
廣東巡撫臣祁堉

跪奏爲嘆咭喇兵船夷目均已押逐出口水陸兵弁撤歸營

伍恭摺由驛馳奏仰祈聖鑒事竊嘆咭喇夷目犍嘮啤不請牌照擅進省河妄投書信屢次曉諭頑梗不遵臣盧坤將該國商船照例封艙該夷目又令兵船

二隻闖入海口進至內河黃埔地方臣盧坤酌調文武員弁兵丁並咨調旗營提標師船及新會等縣內河巡船分布前路直達省城之獵德砲台大黃滘河面及兩岸扼要處所由陸路提臣曾勝督率調度防堵將辦理情形恭摺奏聞並將海口疎防之水師參將提督據實嚴參臣盧坤自請嚴議在案提臣曾勝調遣布置極爲周密該夷兵船人等見前路水面木排橫亘槍砲如林大小師船排列數里陸路亦處處駐兵紮營聲勢聯絡軍威嚴整該夷兵船泊於黃埔貨船中間瞭見柴草船隻惟恐火攻伏處舟中一步不敢前行一人不敢上岸間有由澳門進省欲與夷目見面之人又被我兵截回該夷目於水路堵塞以後已屬胆怯即知會該國散商向洋商伍敦元等轉言該國散商兵船係爲保護貿易夷船以明其並無他意迨我兵日集該夷目內外消息不通進出無路益形惶恐復字知散商轉告洋商求給三板船一隻以便出省臣等以該夷目不領牌照擅自進省其兵船復駛入內河雖並無不法重情而故違例禁胆頑已極若即准其出省來去自由何以示儆戒而昭懾服復令洋商詰其因何不領牌照擅自進省兵船闖口駛入內河意欲何爲令其明白登答方准出省否

則定行剴辦斷不輕縱旋於八月十六日據洋商伍敦元等轉據該國散商咖啡哈等報稱啡哈自認因初入內地不知例禁是以未領牌照即行進省兵船實因護貨悞入虎門今已自知錯悞乞求恩准下澳兵船即日退出求准出口等情臣等復以該夷目雖知悔罪第究因何事來粵原遞書函所寫何語節次查詢始終未據言明不便任其朦朧至兵船闖入海口稱係悞犯已屬支飾且於兵丁開砲轟擊時輒敢放炮回拒致炮台椽瓦震損何其如此胆大又經批飭詰究去後茲於十八日據該夷商咖啡哈等向伍敦元等復稱啡哈實係來粵管理貿易事務因自以爲官即稱監督前遞書函內所寫因伊係夷官與大班不同欲與天朝文武衙門文移往來禮貌相當並無別語至兵船進口實因商船封艙貨物久貯恐致疎虞是以進口保護因被海口兵丁開砲轟擊夷兵亦放炮自護以致損傷砲台深知悔錯即當修復惟求恩准給牌下澳等情具稟前來臣等與司道等公同熟商啡哈屢次違執其意以爲外夷官目與內地官吏並無尊卑欲思抗禮臣等因國體攸關不容遷就其兵船進口爲護貨卽存挾制之心此時水陸營伍星羅碁布火攻船隻亦已現成若乘其進

退兩難之際四面夾攻原不難立制其命第我皇上懷遠以德撫馭外夷仁義兼盡玩則懲之服則舍之從不爲己甚之舉擘擘雖有妄誕之想尙無不法實跡未便遽加剿除且該國商梢數千人俱以夷目不遵法度爲非無一附和更未便玉石不分今擘擘既已認錯乞恩衆散商節次籲求自應寬其一線逐令出口俾番夷震懾之下仍感天朝仁慈寬大之恩臣等公同商酌意見相同隨經批准放行並據該商等赴粵海關請領紅牌由臣盧坤派委文武委員於十九日將擘擘押逐出口仍飭恭候諭旨遵行該夷兵船二隻亦於是日開行一路磨淺二十二日押出虎門海口所有調防各處水陸官兵概行撤回分別歸伍歸巡至澳門大嶼山等處先經臣盧坤飭令署香山協副將秦裕昌署大鵬營參將鄧旋明分投巡防續又添調梧州協都司王錦繡帶兵三百名前赴澳門協同防守并調陽江鎮師船在附近澳門洋面實力巡查現在該夷兵船出口尤宜嚴密防範除再諄飭加意巡防並將怠玩水師將弁提審究擬整頓各砲台章程另行具奏外謹將押逐夷目兵船出口緣由會同副都統臣宗室倫忠臣左廷桐陸路提臣曾勝合詞恭摺由驛馳奏伏乞皇上聖鑒訓示

謹奏道光十四年九月十一日奉硃批始雖失於防範終能辦理妥善不失國體而免衅端朕頗嘉悅應降恩旨欽此

臣盧坤
祁 璜 摺

臣盧坤跪奏再暎夷在澳貿易商人大班歷在澳門向西洋人賃屋居住本年
擘嘑來澳先在澳門安頓女眷自行進省臣盧坤因該國有兵船二隻停泊
外洋傳聞隨後尙有兵船前來恐該夷人懷蓄詭謀當經密飭文武在澳門內
外及附近洋面佈置巡邏並曉諭西洋人勿爲所惑今據海口探報擘喙喇並
無續來兵船其現在兵船二隻僅止番梢三四百名所稱專爲保護貨船似屬
可信惟夷情反覆靡定現仍嚴飭水陸船兵加意防範並將督標兵五百名暫
行留省以備調遣該國商梢不下數千人載貨遠來就就逐利總以貿易爲重
臣等前於封艙時將事與散商無涉并憐各商航海遠來之意明白曉示衆散
商皆以夷目不遵舊章以致停止貿易無不歸咎於擘嘑喇一人該夷目孤立
無助窮蹙求去是不遵舊制者止夷目一人耳此時各商貨船久泊鹹潮之中

耗費已屬不少急于求售斷不任嘒嘒自逞意見致絕貿易惟該公司既散並未復派大班所來管理之夷目又不曉事省會重地未便任由夷官居住雖現在未據該夷商稟請開槍而買賣勢不能斷諸事必須另擇統攝之人啖咭喇與內地向來不通文移似應仍飭洋商令該散商等寄信回國另派大班前來管理方可相安至關口進出稅總在粵海關監督廉以飭躬嚴以馭下方能懾服諸番近年舊章漸形廢弛應亦乘此釐剔弊端挽回積習現在新任監督臣彭年已經到任當會同商酌厘定章程具奏請旨遵行至水師營伍人材正少不能得力提督李增階人極勇敢惟營伍不見整飭昨接其來信病勢甚重業經請旨另行簡放俟新任提臣到粵將一切營務海防從長商辦加意整飭臣盧坤因上年兼理巡撫未及出省閱兵本年夏間正往校閱又值辦理水災未經閱驗擬候案件料理稍清即親往虎門一帶查勘各處砲台情形有無應行更定之事酌量辦理奏聞伏乞聖鑒道光十四年九月十一日

盧坤片

再喚咭喇夷人所恃不過船隻高大堅厚安放砲位較多內地師船因需巡歷淺洋不能如夷船之高大然其在洋蘆船僅只數隻若厚集兵力設法驅除該夷船亦安能違抗第夷情狡獪惟利是圖其私販鴉片歷年已久獲利甚重斷不甘心舍棄被逐以後勢必百計詭謀或伺官兵撤後仍復前來或因窮蹙無歸竄駛他省卽如閩省訊據五略供出夷船因廣東查私嚴緊不能獲利卽赴閩洋是其明證外洋遼闊不特閩浙江蘇彼此連界卽北岸亦一水可通雖各省均有巡緝舟師而重洋浩渺之中番舶乘間出沒勢難防堵無遺設被潛行遊弋勾串地匪隨處售私非惟鴉片之透漏益廣且內地海洋口岸均被外夷行駛熟悉尤非所宜總之勢成積重驟難挽回屢經周諮博採有謂應行照昔年舊章准其販運入閩加征稅銀以貨易貨使夷人不能以無稅之私貨售賣紋銀者有謂應弛內地栽種鶯粟之禁使吸烟者買食土膏夷人不能專利紋銀仍在內地轉運不致出洋者其說均不無所見然與禁令有違窒礙難行更有謂內地所得不償所失不若從此閉關停止外夷貿易不知夷人在粵貿易已閱二百餘年且亦不止喚咭喇一國萬無閉關之理况奸犯到處皆有勾串

外夷爲鬼爲蜮縱使閉關亦未必卽能淨盡更無此辦法臣等受恩深重固不敢畏葸苟安養癰貽患亦不敢徒飾侈言不顧全局悉心籌畫與其挺而走險各處蔓延不若暫爲羈縻嚴加約束外則巡以舟師內則謹防海口使其不致行銷無忌亦不致越駛他省再行徐圖禁絕至偷漏稅貨重在各口嚴查不在躉船之有無也臣等愚昧之見是否有當伏乞聖鑒道光十四年十月初三日

盧坤等片

再臣等前因暎咭喇夷目嘩嘍啤擅至省外夷館居住欲與內地文武衙門文移書信往來不遵舊制屢次曉諭任意執拗當經照例將該國商船封艙停止貿易嗣該夷兵船二隻駛入黃埔內河停泊又經臣等調派水陸弁兵分路防堵並檄調外海師船驅逐間該夷目畏懼悔罪籲求放行據洋商轉據各夷商兩次稟求遵照舊章請領粵海關牌照由臣等於八月十九日委員押逐出口該夷兵船亦卽於是日退出駛至外洋停泊所有前後辦理情形均經會摺由驛奏聞在案該夷目現在澳門寄住極爲安靜澳門附近洋面現飭陽江鎮師

船巡查陸路亦飭原派弁兵鎮靜彈壓地方甚爲安謐堪以上紓宸廑茲據洋商伍敦元等轉據該國散商化林治等以夷船雲集稟請開輪貿易以便趁此風勢揚帆回國等情前來臣等查嘆咭喇夷商在粵貿易均係遵守章程本屬相安無事前此封輪皆因夷目嘒嘒一人之過與衆商無涉該散商等深知嘒嘒違抗之非並無一人附和均尙通曉大體自七月十二日封輪以來閱時幾及兩月夷船停泊鹹潮海水之中貨物久貯折耗已屬不少本年該國來粵商船較往年更多重洋遠越數千人仰望聖朝恩澤買賣沾利未便使衆商停船久候當即會同商議批准開輪照舊貿易仰副皇上恩威并濟懷柔遠人之至意仍飭洋商傳諭各夷商總須永遠恪遵法度自能久沾樂利倘有一人違玩即將衆人賣買全行停止俾自相約束奸徒無從播弄至該國公司局散以後一切事宜應歸何人司總以專責成之處臣等現在與粵海關監督會同飭商妥議並將應行整頓章程分別辦理除俟厘定章程另行具奏外所有嘆咭喇開輪貿易緣由臣等謹合詞會同粵海關監督臣彭年附片奏聞伏乞聖鑒謹奏道光十四年十月初三日硃批知道了欽此

彭年摺

粵海關監督奴才彭年跪奏爲恭報接印日期叩謝天恩仰祈聖鑒事竊奴才內務府微末世僕渥荷生成茲復仰蒙天恩簡放粵海關監督當蒙召見訓誨周詳無微不至奴才跪聆之下感悚服膺莫能言喻奴才遵於六月十七日出京一路間阻風雨茲於八月二十一日抵粵准前任監督中祥委員恭捧粵海關關防並文卷冊檔錢糧簿籍賫交前來奴才恭設香案望闕叩頭祇欽任事訖伏查粵海關地接夷洋錢糧重大撫馭稽查動關大體奴才初膺鉅任時凜冰兢惟有嚴查丁役剔除弊竇力崇節儉體恤商情以期近悅遠來稅課豐盈稍答聖主高厚鴻慈於萬一除將應辦事宜次第經理並接收交代逐款清查另行奏報外所有奴才接印任事日期理合恭摺具奏伏乞皇上聖鑒謹奏道光十四年十月初九日奉硃批知道了欽此

彭年片

再奴才查本年暎唎國公司期滿散局該國夷人各自貿易前因新來夷日
嘩嘩至省外夷館居住不知法度並帶護兵船進口經督臣盧坤將軍哈豐
阿分飭官兵堵截該夷嘩嘩始知畏懼請領牌照委員押送出口其兵船亦
當即駛出虎門附省商民現甚安貼並查該國貿易夷船據洋商稟稱現到已
有一隻以後俟風信順利計可陸續到來合併奏聞謹奏道光十四年十月初
九日硃批覽欽此

盧坤片二

再暎唎兵船二隻夷日嘩嘩病故其原坐兵船一隻先於九月十四日開
行回國尚有暎唎兵船停泊外洋業經附片奏聞在案茲據澳門同知等稟
報暎唎兵船一隻於十月初六日開行回國合併附片具奏伏乞聖鑒謹奏
道光十四年十一月二十四日硃批海洋寥闊夷船雖報歸帆仍當加意查探
勿再生事政不可坐受欺誑也慎之欽此

賽尙阿摺

奴才賽尙阿跪奏爲遵旨奏聞事竊奴才率同隨帶司員刑部郎中陽金城自廣西水驛起程於十一月十一日行抵湖南祁陽縣境承准軍機大臣字寄十月二十五日奉上諭有人奏廣東省澳門地方距省城之百餘里向有夷商携眷寄住已歷二百餘年各國夷人恭順奉法惟暎咭喇夷情狡悍該夷等於澳門自築砲台六座曰東望洋砲台置砲七位曰西望洋砲台置砲五位曰娘媽角砲台置砲二十六位曰南環砲台置砲三位曰噶斯蘭砲台置砲七位其最大者曰三巴砲台置砲二十八位各貯火藥於左側此外尙聞置砲百餘位約計置砲共二百餘位有大砲六十餘位餘砲差小其最大者重三千斤長二丈砲口能容蛇行而入者三人又有番哨三百餘人皆以黑鬼奴爲之終年訓練無間寒暑該省歷任文武大員從未以此情奏聞請嚴飭該省大吏務須將澳門地方該夷自築砲台砲位拆卸銷毀驅逐番哨盡行回國等語昇寅等旣在該省查辦事件已閱數月之久如果該澳夷實有自築砲台訓練番哨情事通省皆知豈能毫無見聞昇寅等如在該省即將該澳夷實在情形再行確切訪

查據實具奏倫該省查辦事竣現已起身赴楚無庸折回該省澳夷如何情形自己留心確訪務詳細聲叙迅速奏聞等因欽此奴才同已故尙書昇寅在廣東省城審辦前案並未聞說澳門外有設險屯兵情事奴才等於廣東事件不敢不留心確訪如嘆咭喇夷目嘒嘒啤闖入內地拒損砲台等情一有風聞當即附片具奏旋又續奉諭旨派委司員密查得嘒嘒啤於九月初六日病故該夷船二隻先後駛去各情均經續奏在案奴才因思初抵廣東省城正值嘒嘒啤啤闖入虎門住居夷館彼時人心洶洶靡不談論迨該夷目請牌出澳後民遂安貼並無再議該夷情事者今據原奏內稱澳夷自築砲台訓練番哨如係近日新創情事必致駭人聽聞通省豈能秘而不宣奴才復思原奏所稱終年訓練情由或者係該澳夷僻處海濱自爲防範其砲台番哨或因相沿已久該省恬不爲怪是以並無一人談及究竟該澳門外有無設險屯兵情事奴才實未得之傳聞不敢不據實陳明再奴才現已行抵衡州府境距湖南省城六百餘里拜摺後仍率同司員迅速前往查辦事件合併聲明所有奴才具奏緣由伏乞皇上聖鑒謹奏道光十四年十一月二十九日硃批知道了欽此

陝西省

嘉慶十七年額徵地丁雜稅等銀一百六十八萬一千四十六兩三錢七分四

厘內除豁免緩徵等銀一萬一百二十九兩三分七厘外

實徵銀一百六十七萬九百一十七兩三錢三分七厘較之十六年歲入銀一

十三兩三錢七分九厘計少入銀三萬二百四十六兩四分二厘因是年地丁有蠲緩銀兩雜稅係儘收儘解是以較少

支銷各款開後

照例支給十七年比十六年銀數相同之款

一給致祭文昌帝君廟關帝廟品物刊刻憲書工價西安滿營兵丁紅白賞項

貧士學租解交甘肅省兵餉屯丁兌食辦解阿克蘇鑄錢器具以及造寫冊

籍等銀一萬五百一十七兩八錢五分七厘較之十六年歲支銀數相符

照例支給十七年比十六年銀數較少之款

一給致祭文廟各壇廟品物文職官役俸工武職官兵俸餉驛站工料壽民節

婦建坊長武等廳州縣供支伊犁進貢馬匹豆草委差員役車價伯克回目

人等食物廩膳餼糧以及孤貧口糧等銀一百五十二萬七千六百七十六

兩三錢三分

較之十六年歲支銀一百六十六萬四千七百九十九兩三錢四分七厘計少支銀一十三萬七千一百二十三兩一分七厘

因品物預提先後不一俸工兵餉驛站缺贖不齊建坊視禮部題准豆草車價食物數目無定餉糧口糧計人核給是以較少

照例支給十七年比銀數較多之款

一給採辦銅鉛價脚鄉飲酒禮等銀一十萬五千五十三兩八錢六分二厘較

十六年歲支銀六百三十兩五錢四分七厘計多支銀一十萬四千四百二十二兩三錢一分五厘 因價脚酒禮支銷無定是以較多

隨時動用十七年所有之款

一給一產三男米布修理城垣監獄衙署出借籽種折色口糧運糧脚費以及

兵丁鹽菜口糧等銀一十二萬三千八百五十八兩三錢一分五厘此係隨時動用

十六年並無此款

隨時動用十七年所有之款

一給神木等縣被災撫卹貧民口糧買補缺額糧石潼關等廳縣不敷官役俸

工各鎮標營官兵俸賞車價修製軍械塔爾巴哈台管糧同知柏成借支俸

裝騎驃脚價以及賞卹把總王萬年祭葬等銀二十六萬四千一百三十九

兩一錢七分八厘此係隨時動用十七年並無此款

嘉慶十七年共歲出銀一百七十六萬七千一百六兩三錢六分四厘

較之十六年歲

出銀一百九十四萬八千六百九錢二分九厘計少 內照例支給銀一百六

十四萬三千二百四十八兩四分九厘隨時動用銀一十二萬三千八百五

十八兩三錢一分五厘

再查該省歲出銀一百七十六萬七千一百六兩三錢六分四厘以前項歲入

銀一百六十七萬九百一十七兩三錢三分七厘抵支外計不敷銀九萬六

千一百八十九兩二分七厘

在於鄰省協撥

甘肅省

嘉慶十七年額徵地丁雜稅等銀三十三萬二千九百八十六兩二分五厘

十六年歲入銀三十三萬五千四百八兩七分九釐計少入銀二千四百二十二兩五分四釐 因地畝陞除不一雜稅係儘收儘解是以較少

支銷各款開後

照例支給 十七年比十六年 銀數相同之款

一給致祭文廟關帝廟品物宏善寺喇嘛香燭歲貢花紅造寫奏銷冊籍砲手

局料礮砂折色修理渠道橋船等銀六千六百六十五兩零

較之十六年歲支銀數相符

照例支給十七年比銀數較少之款

一給文職官役俸工武職官兵俸餉永寧廟香燭供差馬匹料價牧馬兵丁靴

鞋以及孤貧口糧等銀二百七十三萬九千五十七兩零較之十六年歲支銀三百一十萬七

千二百二十九兩零計少支銀三十六萬八千一百七十二兩零因俸工兵餉缺曠不齊香燭料價數目無定額鞋口糧計人核給是以較少

照例支給十七年比銀數較多之款

一給驛站工料節婦建坊以及被難孤貧口糧等銀一十七萬三千五百十三

兩零較之十六年歲支銀一十六萬七千三百一十兩零計多支銀六千二百零三兩零因驛站缺曠不齊建坊視禮部題准口糧計人核給是以

多較

隨時動用十七年所有之款

一給青海副都統養廉修理衙署工料以及病故外委馬占魁減半祭葬等銀

三千一百四十三兩零此係隨時動用十六年並無此款

隨時動用十七年所有之款

一給龍神廟香火衣單辛未科會試舉人盤纏涼州滿營新設廩生餼糧泲岷

協淹斃塘兵石可成等卹賞等銀三百二十九兩零此係隨時動用十七年並無此款

嘉慶十七年共歲出銀二百九十二萬二千三百七十八兩零

較之十六年歲出銀三百二十

八萬一千五百三十三兩零計少出銀三十五萬九千一百五十五兩零內照例支給銀二百九十一萬九千二

百三十五兩零隨時動用銀三千一百四十三兩零

再查該省歲出銀二百九十二萬二千三百七十八兩零以前項歲入銀三十

三萬二千九百八十六兩零抵支外計不敷銀二百五十八萬九千三百九

十二兩零 在於鄰省協贖

四川省

嘉慶十七年額徵地丁雜稅等銀一百六萬九千四百二十三兩二錢八分五

厘較之十六年歲入銀一百九萬三千四百八十一兩一錢九分八釐計少入銀二萬四千五十七兩九錢一分三釐因地畝陞除不一雜稅係儘

收儘解是以較少

支銷各款開後

照例支給 十七年比十六年 銀數相同之款

一給恩賞喇嘛致祭文武二帝廟品物文職各官養廉滿營操鎗藥鉛打箭爐

關監督並管理夔關知府養廉紙張憲書工價解銀盤費以及夔關各役工

食等銀三萬七千一百一十兩一錢二分六厘

較之十六年歲支銀數相符

照例支給十七年比十六年銀數較少之款

一給文職官役俸工武職官兵俸餉驛站工料節婦壽婦建坊五世同堂賞緞

採辦銅鉛兵丁卹賞以及救生船水手工食等銀一百四十八萬一千二十

三兩三錢七分三厘

較之十六年歲支銀一百五十七萬六千九百兩三錢五分二釐計少支銀九萬五千八百七十六兩九錢七分九釐

照例支給十七年比十六年銀數較多之款

一給滿營兵丁紅白賞項各役工食以及夔關紙張等銀一萬九千七十一兩

三分較之十六年歲支銀一萬六千四百九十八兩四錢七分計多支銀二千五百七十二兩五錢六分

因賞項工食計人核給紙張數目無定

隨時動用十七年所有十六年所無之款

一給恩賞明正土司茶價賞賚生童花紅等銀一千一百八兩五錢七分五厘

此係隨時動用十六年並無此款

隨時動用十七年所有十六年所無之款


中華民國二十年二月一日出版

史料旬刊第二十五期

編輯所 故宮博物院文獻館

發行所 神武門外發售室

印刷所 京華印書局



郵費		價目表	
		四角	每旬一冊
外埠	每期一角	六角	預定半年十八冊
國外	每期二角	五角	預定全年三十六冊
本院發寄刊物均交郵局掛號遞送以免遺失		十二元	

本市 商務印書館 中華書局

上海 文明書局 世界書局及

天津 其他各大書店均有代售